



Siumut – Kommuneqarfik Sermersooq

Nuuk, oktobarip 12-at 2022

2023-mut missingersuutitut Siumup isumaqatigiinniarnissamat siunnersuutai

NCD-p sanaartugassaasa tigunerinut atatillugu taarsigassarsinissaq akuerineqarsimatinnagu missingersuusiornissamat tunngavissat inississimangikkaluartut, Siumup maluginiarpaa 1,25 milliard koruuninik taarsigassarsinissamat kommunalbestyrelsemi amerlanerussuteqartoq. Taarsigassarsinissami Siumup isumai amerlanerussuteqartunit ilisimaneqarmata matumani erseqqissanngilavut.

Tunngavissat aallaavigalugit Siumup kommunimut akileraarutip 26 procentiunnarnissaa aalajangiusimavaa, taamaalillutik innuttaasut aningaasat naleerukkiartornerannut nunatsinnik eqquisussamat sillimasinnaanerullutik. Siumumit isumaqatigineqarpoq 2023-mi akinut akissarsianullu naleqqussaasoqassanngitsaq. Maluginiarpaput tunngaviusumik missingersuutini 2023-mi 83 million koruuninik aningaasatigut periarfissaqartoq missingersuutini kissaatinut suliniutinullu nutaanut. Ukiuni missingersuusiortiusuni 2024-mi 139 million koruuniupput, 2025-mi 212 million koruuniullutik, 2026-imilu 306 million koruunit.

2023-imi missingersuusiortnermi isumaqatigiinniarnermi Siumup kissaataasa eqikkarnerat:

Uani qinigaaffimmi Siumut ingerlatsinermi ersarissunik kissaateqarpoq, aqqissuussaasumik pinaveersaartitsisoqalernissaanik, utoqqarnik innuttaasunillu mianerisassanik innarluuteqartunik angerlarsimaffeqanngitsunillu kiffartuussineq pitsanngorsarneqarluni, aalisartut atugaat pitsanngorsarlugit, meeqqerivinni utoqqaallu illuini najugaqarfinnilu sulisunik qaffassaaneq, inuusuttut ilinniaratillu suliffeqanngitsut pikkorissarnissamik neqeroorfigineqarlutik, inuttut piginnaasaannik nukittorsaasussamik, meerarlu qitiutillugu meeqqat atuarfiini suliassaqarfiit akornanni suleqatigiinneq pitsaanerulersinneqarluni. Isumaginninnermi, utoqqarnik, meeqqanik, inuusuttunik ilaqtariinnilu kiffartuussinermi sipaarniartoqannginnissaa Siumup sulissutigaa.

Uani qinigaaffimmi Siumut sanaartornikkut kissaateqarpoq, Siumumut inissianik sanaartornermi aningaasartuutini pingaarnepaavoq imaattumik tulleriarinissaq: Kommunimi utaqqisunut nalinginnaasunut, utoqqarnut inuusuttunullu kiisalu innuttaasunut mianerisassanut inissianik nalinginnaasunik ilaatigut half-way-housenik sanaartorneq. Sanaartorfigiuminarsaaneq pingaartuuvoq, nunaminertat attaveqaasersuutillu taakkununga pitsanngorsarneqarlutik, ingammik erseqqissarneqarluni sullorsualiornikkut Nuup allinissaa kiisalu nunaminertani sinneruttuni pitsaaneruumik illoqarfimmik pilersarusiorluni, taamaalilluta sanaartorfissat atorluarnerullugit. Tamatuma saniatigut Siumut immikkut ittunik kissaateqarpoq najugaqarfissanik ataasiakkaanik aallartinneqarsinnaasunik imaluunniit siuartinneqarsinnaasunik, kiisalu siunnersuuteqarluni suli missingersuusiartineqarsimangitsunik.

Siumut aamma nunaqarfinni aqutsisut sanaartugassatut kissaataannik kommunimut nassiunneqarsimasunik ilassutissaqarpoq.



Siumut – Kommuneqarfik Sermersooq

Innuttaasut kiffartuunneqarnerisa pitsanngorsarneqarnissaanut kissaatit.

- 1) Aaqqissuussaasumik pinaveersaartitsineq
- 2) Najugaqarfinnik/ataatsimoorluni najugaqarfinnik pilersitsineq
- 3) Sulisunik ilinniarsimangitsunik piukkunnarsaaneq
- 4) Empowerment
- 5) Qinngasaaruttarnermut iliuutsit, atuarfiup angerlarsimaffiillu pitsaanerusunik suleqatigiinnissaat
- 6) Paamiuni pisortat angallassinerat
- 7) Nunaqarfinni inuussutissarsiornikkut piorsaanermi annertusaaneq, ilaatigut umimmaap qiviuinik il.il.
- 8) Paamiuni paasissutissiinermik suliaqartoq
- 9) Aalajangiissinnaassuseq innuttaasut qanimut sullitat, Paamiut
- 10) Nunaqarfinni suliniutaasunut aallartisaanermi ingerlaavartumik malinnaavigineqarnissaq aningaasaqartarnissaa annertusaaneq

Sanaartugassatigut kissaatit siuartitsinerillu

- 1) Aqquserngit asfalturnerat, Paamiut
- 2) Angallateeqqanut karaani, Paamiut
- 3) Ataatsimoortumik pilersaarutit kommunalbestyrelsillu ataatsimiinnera, Paamiut
- 4) Paamiuni Tasiilamilu inissianik sanaartornissamut qularnaveeqqut
- 5) Qulimiguullit missarfiata eqqaani iliveqarfik nutaaq, Paamiut
- 6) Nuussuup Nuullu akornanni sullorsuup allilernerat
- 7) Kuummiini Sermiligaamilu inuusuttunut inissiat
- 8) Naluttarfiup Maliup nutarternera
- 9) Attaveqaasersuutitut aningaasaliissutit
- 10) Kapisilinni aqquserniorneq
- 11) Qeqertarsuatsiaani sapersuimmik umiatsialiviliorneq
- 12) Kommunimi silami pinnguarterfiit
- 13) Paamiuni ukioqatigiiaanut meeqqerivik
- 14) Illu Qassaavik Ittoqqortoormiit
- 15) Illu Qassaavik Isortoq
- 16) Atuarfiup nutarternegarnanumut aningaasaliissutit amerlineqarnissaat

Siumup gruppia sinnerlugu

Inga Dora G. Markussen
Gruppimi siuttoq